



Broj: 01-2-1914/13
Sarajevo, 06.06.2013. godine

MEDIJIMA

Predmet : Informacija za medije

BANKARSKI SEKTOR FEDERACIJE BiH U PRVOM KVARTALU 2013.GODINE

I u prvom kvartalu tekuće godine unatoč otežanim uslovima djelovanja i pored svih negativnih utjecaja, bankarski sektor u Federaciji BiH je sačuvao stabilnost, adekvatnu kapitaliziranost, štednja stanovništva je zadržala trend rasta a likvidnost je i dalje zadovoljavajuća.

Podaci za prvi kvartal 2013.godine, pokazuju da je bilansna suma bankarskog sektora u F BiH iznosila 14,8 milijardi KM i manja je za 1,2% ili 183 miliona KM u odnosu na kraj 2012. godine. Pad bilansne sume najvećim dijelom rezultat je smanjenja depozita i kreditnih obveza, a posljedično time i novčanih sredstava.

Novčana sredstava su tako zabilježila pad od 5,9% ili 233 miliona KM i iznosila su 3,73 milijarde KM. Krediti su na kraju prvog kvartala iznosili 10,7 milijardi KM i njihovo učešće u aktivi je povećano za 1,1% procentni poen i iznosi 72,2%. Depoziti, bilježe pad u iznosu od 162 miliona KM ili 1,5% i iznose 10,8 milijardi KM a štedni depoziti, iznosili su 5,89 milijardi KM, što je za 2,3% ili 135 miliona KM više nego na kraju 2012. godine. Dugogodišnji kontinuirani rast i pozitivni trendovi u segmentu štednje u bankama u F BiH, rezultat su, dobrim dijelom jačanja sigurnosti i stabilnosti ukupnog bankarskog sistema za što je od ključnog značaja postojanje funkcionalne i efikasne bankarske supervizije koju provodi Agencija za bankarstvo F BiH, te postojanje sistema osiguranja depozita.

Ukupan kapital imao je rast od 1,8% ili 39 miliona KM i to po osnovu tekućeg finansijskog rezultata-dobiti i sa 31. 03. 2013. godine iznosio je 2,26 milijardi KM.

Na nivou bankarskog sustava u F BiH u prvom kvartalu 2013. godine ostvarena je dobit u iznosu od 42,3 miliona KM. Evidentno je da je ukupna profitabilnost sistema poboljšana u odnosu na prethodnu godinu, što je prvenstveno rezultat primijenjenog novog metodološkog pristupa (implementacija MRS-a 37/39).

URED FBA ZA INFORMIRANJE